

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف اربیب

ایما ایدیور . بونی بویه قبول ایتک تاریخی افکار ایتک، دورینک عکسی طرفدن باقوب ائی کورمه یه بکزر . دنیایه مدینتی اسلامیت کتیدی . انسانلری جهلک ملوثاتندن ینه اوتطهیر ایتدیکی حالده مدینتک شریعتیزله قابل تألیف اولدیغنی ادعا ایده حکمسه تصور اولنورمی که بوکاعاد بحتک ده قبالی، مبهم ترک ایدلری التزام اولونسون . برملتک عاداتی ، عنعاتی اوملتک معتقداتک مولداتندن بشقه برشی دکدر . بوده سلفدن خلفه دور ایداش قیمتلی برمیراندر . شو حالده بزده عادات قدیمه مزه [محاسندن ایسه] مربوطیتیز ضروریدر . بز آداب معاشرتیزی ترک ایدرک آوروپالیلری تقلید ایدر ایسهک ملیتمیزی غائب ایتکدن بشقه نه قزائیرز ؟ ملیتنی غائب ایدن برقوم تمامیلر هویتنی غائب ایتش بشقه برقومه قلب اوله رق محو اولمش دکله نهدر ؟

انصاف ایدلم، کتاب وسنته مربوط برقوم النده کی حبل متینی صیم صیقی طوته رق اونک فیضیلر تفضیل ایتمه سنه عجبا نه مانع تصور اولنور ونه محذور کوریایور که آداب معاشرتیزی ، اصول حیات و تناسلمیزی آوروپالیلر بکزه تلم ؟

طریق تکامله طوغری ملیتمیزی محالظه ایدرک ایلریله مکده نه مانع وار ؟ نهدن مخصوصات ملیه مزی آوروپالیلرله تخلیط ایدلم، دیکشهلم ؟ فرنکلرک شخصنده بزه کورینان علویت عجبا نهدر ؟ بتون بوسؤلرک جوابنی قدرت علمیه سی افزون اولان متفکرلره ترک ایدرک خلاصه اوله رق دیرز که : بزم هرشی ده رهبریمز اوله جق المزده سونمز برمشعله من وار . بزنی هر درلو معوج طولامبا جلدن ، مظلم ملوث یرلردن قورتاره جق درجه ده شعله باردر . بزاونکله یولزده کی اوچوروملری کوروب کیده رز . بزنی تعقیب ایدنلرده عین شعله دن استفاضه ایدرلر .

محترم دینداش،

اگر هم جنسکزه ایلک ارزو ایدر ایسه کز (مدنی !) آوروپالیلر آجی یه رق اونلری ارشاد بیورمکز ده منصفانه اولوردی .

دبره بالادن

حسین رضا

تشیاسیلا

ملاحظات متنوعه

مردودلرله ابتدای مقاله شوراسنی عرض ایدلم که بوملتک یاسه سلامتی ، بوملتک ترقیبی اوغورنده هرکیم یرارلق کوسترسه آنک افعالی تقدر و دوام موفقیتنی تمی بزم ایچون بروظیفه وجدانیه در ؛ اما یرارلق کوسترنلر شیوخن اولورلر مش ویا شباندن صاییلورلر مش، بزجه هیچ برأس یوقدر . فلان وفلان ذاتلر

تجربه دیده درلر ، کار آزموده درلر ویا فلان وفلان کیمسه لر کورکینر . درلر ، عجمی درلر . . . یوللواغراض مضمره و منفعت مکتومه شخصیه نک الجاآنه کوره ناسه تقینانده بولنانلر تقییحه مستحقدرلر .

افعالی تدقیق ایتلی ، انصاف ایله محاکمه کیریشملی ده آندن سوکره کیملرک رجال مفیده دولندن اولوب کیملرک اولمدقلرینه حکم ویرملی . اعلان مشروطیتدن اول کچمش اولان اوتوز یوقدر سنه یی برکره دوشونهلم . او اوزون مدت ظرفنده بشقه مملکتلرده یاییلان ترقیات ، بطون سالفهده یابیش اولان ترقیات بشریه نک ، هیچ بریسنه قیاس قبول ایتیه حک قدر بویوکدر . ینه او اوزون مدت ظرفنده فعالیت ملیزه عارض اولان موانعی و مملکتلرده یاییلان شیلرله ییقایلان شیلری خاطره کتورلم : بونی ایجه ملاحظه ایدرسهک دولتمزک فصل اولوبده خریطه عالمدن سیلنوب کیتمدیکنه حیران قالورز . ظاهر ، مرحمت ربانی یه مظهر اولمشز . فقط بوتقدیر رحمان الرحیمه قارشو آرتق عصیان ایتمه مملکتیمز لازم کلور .

دور مشروطیتده یاییلان خطالره ، صوابلرک موازنه سنده خلقه یا کلش ذهابلر القا ایدنلر منافقدرلر ؛ اغراض خسیسه الجاسله بوملتک وملتیه اهانت ایدیورلر دیمکدر . دور مشروطیتده برچوق نشریات مفیده وقوع بولدی و بولیور ؛ خلق یکی یکی برچوق شیلر اوکرندی . واکریمور ؛ اداری برچوق یرلرده تشبثات امور نافعه آرتیسور . مملکتک تجارتله مألوف عناصری آره سنده سربستجه اجرای معامله ایدوبده رفاه بولانلرده آز دکل .

بودور جدید شهسز قوه مفکره سی بشقه دورلو حصول بولمش ، اخلاق سیاسیه سی بشقه برمایه ایله یوغورلش رجاله دخی محتاجدر . احتیاج زماندن متولد بوحالک اهمیتی آتیاً دها زیاده توضیح ایلر .

§

فعالیته اصابت هر آلتی آیده برکره بحران سیاسی یه دوچار اولان نزلر بر مملکتده ترقیات سریعه امید یلک واهی اولور . آوروپا : مسلمانلرده ترقی استعدادی یوق دیوب کیدیور . راحت قالدیغمز یوق که استعداد مزی کوستره بیلهلم . خطوه ترقی بی آهسته آتمقه ده منزل تمدنده ایلریله بیلور . لکن بزنی بکلین یوق که . هر بحران ایله ارباب استیلا یه بر وسيله جدید بخش ایدیورز . بو کراهلغمز بر چاره بولنه بیله حک زمانک ورود ایتدیکنه دائر بز مع التأسف علائم ثابت کوره میورز . مترقی مملکتلرده کی شعبات اداریه نک کافه سنده برر ایش ماکنه سی قورولمشدر که بالذات ایشلر کیدر ؛ کلوب کیدن ناظر و آمرلرک ایشی ایسه آتی باغلامق کی بر وظیفه دن عارت قالور . بزده تبدل وقوعی امور عامه نک تمشیشه سکت کتیریور ، هرشی قارغشلق نوبتی کچیریور . ایشته بویله جه بوملتک جهد و فعالیت زول اصابت ایدیور . برناظرک و آمرک یایدیغنی خلقنک اکال یزنده ، تجدید صدنده ، تفوق اظهارینه قالدیشمی یولنده کی مسلك معهود ایسه آرتق هرکسک جانیه طاق دیدی . وکلای سابقه

طرفین استحضار ایداش اولان قانون لایحه‌لری بز ظن ایتیمز که اکثریتله فرصت تطبیق بوله بیاسونلر . مجلس مبعوثان انجمنلرنده شمیدی به قدر تدقیق ایدلش اولان لوائح قانونیه نك بر چوغی ده کوشه نسیانندن قورتیلوب چیقمه موفق اولورسه نه موطلو ! یکی ناظرلر یکی قانونلر یاپارلر . آنلرده تدقیقه قریب ایدرلرکن ینه بر بحران چیقار . ملک و ملتده حال خرابی ده بکلر .

§

دروغ زوروردن احبادن بر ذات بزه لوندرده منتشر تایمس بردها غرتنه سندن ترجمه اولمش بر فقره کوستردی . بو

فقره تایمسک و یانه مخابری طرفندن کوندلرلش بز تاغرافسامه دن مستخر جدی . مخابر مومی الیه ده بونده سردا یلدیکی افکاری و یانه ده چیقان « الکماینه جایتونخ » نام جریده نك استانبول مخابرندن آلدینی حوادته عطف ایلشدر .

حکومت عثمانیه نك عقد صاحب ایلده چکی حوادته کچلرده بتغازی ده ایتالیا نلر طرفندن اشاعه اولمش اوزرینه مجاهدلرک دشمنی دفع ایدنجیه قدر حربه دوام ایلک عزم قطع یسندن بولندقلرینی مجاهد عالی هم انور بکک استانبوله بیلدیردیکی ایشیدلش ایدی . عالم عثمانیت واسلامیتک بدخواه لری بو عزم مردانه مجاهدینی دخی سوء تأویله اوغرا تمشلر و بویه جه دولت عثمانیه نك ضررینه اوله رق بر صاحب عقد ایتدیرمک ایچون اورمکده اولدقلری فساد و نفاق دوزاقلرینه بر دوزاق دها علاوه ایلک ایستمشلردر .

کویا انور بک مجاهدین پیونده کسب ایلدیکی نفوذ و شهرتدن بالاستفاده بتغازی ده ادعای حکومت و خلافت ایده حکمشده حکومت عثمانیه عقد صاحب ایتسه بیلده محاربه ده دوام عزم قطع یسندن بولنق ایستمشی آندن طولای ایش !

بور تزوردر که عقل سلیمی اولان هر مسلمان ماهیت باطله سنی یکنظرده آکلار و حقیقی اولان هر عثمانلی بو ادعای باطلی کمال نفرتله رد ایلر . کویا انور بکک بو فکری استانبول محافل رسمیه سنک بمضللنده تلاشی موجب اولمشده صدر اسبق کامل پاشانک قوناغنده وقوعه کان بر اجتماعده بومسئله موضوع بحث ایدلش ! بز بو عجیب حوادتی تایمس غرتنه سنک ۱۶ تموز افرنجی تاریخیه نشر اولنان نسخه سندن محبزه نك ترجمه ایلدیکی فقره دن اوکره نیورز .

چ - ش - ز

وخیم کونلر

بحران حاضرک درجه و خامتی تعیین ایچون ایچنده بولندیغمز شرائط حاضرده سطحی بر نظر آتمق بیله کفایت ایدر . خارجاً بر دولت . نظام ایلده محاربه ، داخلده مملکتک قطعات مختلفه سنده اغتشاش و بیتون شوغوائله قارشی قویه بیلده یکانه منتظم قوت اولان اوردوده کی آثار

تردد ... ایشته احوال حاضره مزک دهشت نمون خطوط اساسیه سی . بز شوخاللره طالب قلمش ایکن البته که اطرافری آلمش اولان دشمنلرکده حرص و طمع لری کسب شدت ایدیور . شیرازه حیاتی بوزولمقده اولدینی فرض ایدیلان بر دولته صوک تکمه آتمه نك تام صره می کلش اولدینی فکری البته که کسب قوت ایدر . بلغارستاندن ، یونانستاندن و سائر مملکتلردن کلن خبرلری مطالبه ایدکر . بلغارستان برانهماک مخصوص ایلده بوراده کی جریان حوادتی تعقیب ایدیورمش و حوادث مذکورده نك تولید ایده بیلده چکی وضعیتی قارشیلایمه یه حاضر لانیورمش . حتی بعض مفرط وطن پرور بلغارلر بلغارلر ناظرلرینک حیاته سوء قصد اجرا ایدرک بلغارستان حکومتی حال و وضعیت حاضرده دن استفاده ایدرک عثمانیلره اعلان حرب ایتدیرمه یه عزم ایتشد . انکاتره ، فرانسه و دیگر ممالکده کی بزه خیرخواه اولان مطبوعات ایسه شو بحران وخیمه نهایت ویرلسنی برلسان نیاز و تضرع ایلده بزه توصیه ایدیورلر . تهلکه یک یاقین ، یک آشکاردر . فقط مع التأسف ، بز تهلکه یه طوغرو کندی الیریمز ایلده آتیلیورز . معقول نصیحتلری ، خیر هوا ، اخطارلری ایشیده چک و قبول ایده چک بزه نه قولاقلر ، نه ده دماغلر قالماش کی در .

حالبوکه بزدن بتون بشریتک تاریخک بکله دیکی بومیدی ؟ ظن ایدیوردی که عالم اسلامک دهشت نمون سقوطی ایچنده هیچ اولمازسه مقام معلائی خلافتی حاوی بولنان عالم اسلامیتک صوک ملجاء و پناه ی بولنان شو مملکت کندی نه تودیع ایدلش اولان امانتی محافظه ایده چکدر . هیچ اولمازسه کره ارضده بردانه اسلام حکومتی کندی استقلال و شوکتی مدافعه و محافظه ایدرک کلمه اللهک سر بستانه جاری اولاجقنه صوک بر ماوا اولاجقدر .

فقط ایواه ! بوقدر ممالک واقوام اسلامیه نك سور و کلنمش اولدینی حفره معدومیت بزیده بر قوه جاذبه مدهشه ایلده کندی آغوشنه چکرکی کوزو کیور . شو مملکتلرک استقلال و موجودیتلرینی عدم آباد نسیانه سوق ایتش اولان آثار و علائمک بزمده ایچمزده نمایان اولدینی متأسفانه و متألمانه بر حالده مشاهده ایتک مجبوریتنده بز . هنوز بر قاچ آی اول ایرانک و مراکشک حیاته قلم چکمش اولان حوادث بزده ده تکرر ایتیه باشلادی .

رجال دولت و زمامداران امور ایچنده عدم امتزاج ، افراد ملت آراسنده اختلاف ، تردد ، تشدت آرا .. ایشته مذکور علائم و آثارک باشیجه لری . اک قوی ، اک محکم حکومتلری و سلطنتلری بیه بیلمک ماهیت واستعدادینی حاوی اولان شو علائم و آثار بزم کی قوای مادیه و معنویه سی غیر منتظم ، اطراف حریص و منتقم دشمنلر ایلده محاط بر دولت و ملت ایچون بتون معناسیله مهلکدر . بوقدر پریشاناقلر ایچنده ، بوقدر تهلکه لر قارشیسندن بولنان بر دولت و ملت کندیسنی یا لکنز قیرلر ، کسبلمز بر اتحادله اداره ، منافع عمومیه نك ارادات و منافع شخصیه غالب اوله لری ایلده مدافعه و محافظه